

## Panel Cynghori Aer Glân i Gymru

### Penodi Cadeirydd

Mae Llywodraeth Cymru am benodi Cadeirydd Annibynol i'r Panel Cynghori ar Aer Glân.



Llywodraeth Cymru  
Welsh Government

### Cyflwyniad

Mae'r Panel Cynghori ar Aer Glân yn darparu cyngor annibynnol ac arbenigol ar faterion ansawdd aer yng Nghymru. Mae cyngor y Panel yn cefnogi datblygiad polisi a deddfwriaeth ar sail tystiolaeth i sicrhau gwell ansawdd aer er budd iechyd pobl a'r amgylchedd naturiol.

### Y Swydd

Bydd cadeirydd y Panel Cynghori ar Aer Glân yn cydlynu grŵp amlddisgyblaethol o lunwyr polisi, ymchwilyr, ymarferwyr ansawdd aer a iechyd cyhoeddus.

Bydd y cadeirydd yn cydlynu'r Panel i;

- Gyngori a darparu tystiolaeth wyddonol i gefnogi datblygiad polisi aer glân Llywodraeth Cymru.
- Cefnogi sefydlu targedau ar gyfer lleihau allyriadau llygryddion aer.
- Cydweithio ag adrannau perthnasol y Llywodraeth a grwpiau cynghori eraill ar lefel y DU, Cymru ac yn lleol.
- Annog a manteisio i'r eithaf ar gyfleoedd ar gyfer atebion arloesol sy'n helpu i wella lefelau llygredd yn yr awyr.
- Cynghori Llywodraeth Cymru ar anghenion tystiolaeth yn y dyfodol a sut y gellir eu bodloni.

Bydd yn ofynnol i'r Pwyllgor wneud y canlynol:

- Mynychu a chadeirio cyfarfodydd Panel yn bersonol neu'n rhithwir, fel y bo'n briodol.
- Cydlynu datblygu cyngor, adroddiadau a synthesis cyfunol papurau neu adroddiadau perthnasol.
- Ymgymryd ag adolygiadau a gwaith cydweithredol yn ôl yr angen er mwyn hwyluso gwneud penderfyniadau prydlon.
- Darparu cyngor, a chydweithio â: swyddogion, Gweinidogion Cymru, grwpiau arbenigol technegol eraill, cyrff cyhoeddus, a rhanddeiliaid allweddol eraill.

Mae arbenigedd y Panel cyfan yn cwmpasu pob maes perthnasol o wyddoniaeth ansawdd aer gan gynnwys y rhai a restrir isod. Mae'r swydd yn gofyn am arbenigedd gwyddonol a phrofiad sylweddol mewn maes sy'n berthnasol i ansawdd aer a disgyblaethau cysylltiedig.

Dylai ymgeiswyr allu dangos gwybodaeth am ystod gwaith y Panel a lefelau uchel o arbenigedd technegol mewn un neu fwy o'r meysydd a nodir isod.

- Monitro ansawdd aer, modelu a meteoroleg
- Rhestrau ac amcanestyniadau allyriadau
- Amaethyddiaeth a defnydd tir gwledig
- Iechyd y cyhoedd ac asesiad economaidd-gymdeithasol sy'n ymwneud ag ansawdd aer.
- Effeithiau ansawdd aer ar ecosystemau a bioamrywiaeth

- Trafnidiaeth
- Peiriannau nad ydynt yn symud ar y ffordd;
- Technoleg mesur a synhwyro o bell
- Cemeg llygryddion aer
- Ffynonellau, prosesau a mesur llygryddion nwy – yn enwedig cyfansoddion organig cyfnewidiol
- Prosesau diwydiannol, gan gynnwys allyriadau i aer, atal, lliniaru ac atebion technolegol.
- Ansawdd Aer a'r newid yn yr hinsawdd
- Gwyddoniaeth gysylltiedig mewn polisiau

## Meini prawf hanfodol

### 1: ARBENIGEDD TECHNEGOL SY'N GYSYLLTIEDIG AG ANSAWDD AER

Arbenigedd sylweddol, yn ddelfrydol gydag enw da cenedlaethol neu ryngwladol mewn un neu fwy o feysydd sy'n berthnasol i ansawdd aer a llygryddion (a restrir uchod). Tystiolaeth gref o allu defnyddio gwybodaeth arbenigol i ddylanwadu ar wneud penderfyniadau a chyflawni i amserlen.

### 2: DATRYS PROBLEMAU

Gallu arbenigol profedig i brosesu a dehongli gwybodaeth gymhleth; sgiliau rhesymu dadansoddol a barn wedi'i ddatblygu'n dda; y gallu i ddarparu arweinyddiaeth ddeallusol a chreu dull rhagweithiol o ddatrys problemau gyda lefel uchel o broffesiynoldeb a gallu i addasu i ganiatáu defnyddio sgiliau i broblemau y tu allan i faes arbenigedd arbenigol.

### 3: CYDWEITHIO

Gallu dangosadwy i weithio'n effeithiol gydag eraill i gyflawni nodau a rennir a gwneud penderfyniadau cadarn, cytbwys ac amserol yn annibynnol a chydag eraill.

### 4: CYFATHREBU

Sgiliau cyfathrebu eithriadol, rhyngbersonol ac eiriolaeth sydd â gallu profedig i drafod, perswadio a dylanwadu ar bob lefel, gan gynnwys mewn grŵp cydweithredol; y gallu i drosi gwybodaeth wyddonol gymhleth ar gyfer cynulleidfa anarbenigol.

## Cyfnod y Penodiad

Bydd yr ymgeisydd llwyddiannus yn cael ei benodi am gyfnod cychwynnol o dair blynedd.

Gellir ailbenodi yn amodol ar asesiad perfformiad boddhaol a bydd yn ôl disgrisiwn Pennaeth Adran Diogelu'r Amgylchedd (EPD) Llywodraeth Cymru.

Gall y penodai ymddiswyddo ar unrhyw adeg drwy roi hysbysiad ysgrifenedig i Gyfarwyddwr EPD. O dan rai amodau, gall y Dirprwy Weinidog Ffermio a Bwyd ddod a'r penodiad i ben a caiff yr ymgeisydd llwyddiannus eu hysbysu o hynny pan gaiff ei benodi.

## Taliadau Cydnabyddiaeth a Lwfansau

£256 y dydd Bydd costau teithio dilys a chostau eraill yn cael eu had-dalu'n llawn. Fel canllaw, bydd gofyn i'r cadeirydd weithio tua 2 – 3 diwrnod y mis, gan fynychu tua 4-6 cyfarfod y flwyddyn, gydag ambell gyfarfod ad hoc fel y bo'n briodol.

## Gwrthdaro Buddiannau

Mae'n rhaid i chi roi gwybod i Is-adran Diogelu'r Amgylchedd os oes gennych unrhyw fuddiannau busnes neu bersonol a allai arwain at wrthdaro buddiannau real neu ganfyddedig pe baech yn cael eich penodi. Dylech ddatgelu gwybodaeth am unrhyw fuddiant busnes perthnasol, penodiad cyhoeddus neu swydd o awdurdod, gan gynnwys cysylltiadau eraill â chyrrff masnachol, cyhoeddus neu wirfoddol.

## Sut i ymateb

Dylai ymgeiswyr gyflwyno eu CV gydag addysg, cymwysterau proffesiynol a hanes cyflogaeth ac enwau a manylion cyswllt dau ganolwr, ynghyd â datganiad o addasrwydd at [CleanAirAdvisoryPanel.Secretariat@llyw.cymru](mailto:CleanAirAdvisoryPanel.Secretariat@llyw.cymru).

Dylai'r datganiad addasrwydd roi tystiolaeth o gryfder a dyfnder eich gallu i fodloni'r meini prawf hanfodol ar gyfer y rôl hon a hwn fydd y prif dystiolaeth a ddefnyddir ar gyfer y broses sifftio. Rhwch enghreifftiau penodol i ddangos sut rydych chi'n cwrdd â phob un o'r pedwar maen prawf (uchafswm o ddwy dudalen).

Bydd ymgeiswyr o ystod eang o gefndiroedd yn cael eu hystyried, gan gynnwys y sector preifat, sefydliadau academaidd a phroffesiynol, a sefydliadau anllywodraethol.

Mae'n bolisi gan Lywodraeth Cymru i hyrwyddo cyfleoedd cyfartal a'u hymgorffori ym mhob agwedd ar ei gwaith, gan gynnwys penodiadau i gyrff cyhoeddus. Rydym yn croesawu ceisiadau oddi wrth bob grŵp ac yn sicrhau na fydd unrhyw ymgeisydd cymwys yn cael ei drin yn llai ffafriol ar sail oedran, anabledd, rhyw, statws priodasol, cyfeiriadedd rhywiol, ailbennu rhywedd, hil, crefydd neu gred, beichiogrwydd neu famolaeth. Bydd egwyddorion cystadleuaeth deg ac agored yn cael eu parchu, a chaiff y penodiadau eu gwneud ar sail teilyngdod.

Am ragor o fanylion ac ymholiadau, cysylltwch ag e-bost gyda'r pwnc 'Cais am swydd cadeirydd y Panel Cynghori ar Aer Glân' ar [CleanAirAdvisoryPanel.Secretariat@llyw.cymru](mailto:CleanAirAdvisoryPanel.Secretariat@llyw.cymru).

Y dyddiad cau ar gyfer derbyn ceisiadau yw 22ain Rhagfyr 2023. Ni fyddwn yn ystyried ceisiadau a ddaw i law ar ôl y dyddiad hwn. Disgwylir cynnal cyfweiliadau ganol Ionawr.